

高太史大全集

高太史大全集卷之七

吳郡高啓季迪著

南州徐庸用理編

五言古詩

曉卧丁校書軒

窓月澹欲失
朧朧逼初曙
屋外鳥聲多
應知有嘉樹
殘香掩幽寢
未事澄紛慮
頗似宿東岩
僧齋竹深處

水上盥手

盥手愛春水
水香手應綠
汙汙細浪起
杳杳驚魚伏
怡悵坐沙邊
流花去難掬

贈漫客

畸人誠達生，聾叟亦曠士。漫客乃其徒，放意在雲水。
有山即漫遊，有竹仍漫止。漫吟不求工，漫飲不須美。
與物無留情，所適皆漫尔。人生本漫寄，何事紛戚喜。
與子作漫交，逍遙論茲理。

晝睡甚適覺而有作

閒居况懶拙，盡日無營爲。掩室聊自眠，一榻委四肢。
向暄思益昏，南窓滿晴曦。吾神誰能繫，八表從所之。
殷憂常苦縈，茲焉忽如遺。有身不自省，此外安得知。
覺來隣鷄鳴，已過亭午時。如遊釣天還，至樂不可追。

我意在有適寧顧朽木。猶勝夸毗子塵中爭走馳。
秋日端屋

秋意日蕭索郊園霜露餘出遊無山水聊復守吾廬
巷轍久已斷山瓢仍屢虛非其寂寞者誰樂此閒屋
夢鍾離兩兄

淮水去不極淮山與偕馳鍾離兩僊客路遠歸何期
孰云歸無期此夕乃見之握手說辛苦杯觴復同持
須臾忽驚別我夢方自知雖夢亦足喜况乃歸來時

雨中留徐七貴

江寒宿雨在落葉滿村濕留君繫君艇莫犯風潮急

試問欲歸城誰家借簑笠

看刈禾

農工亦云勞此日始告成往穫安可後相催及秋晴
父子俱在田札札鑣有聲黃雲漸收盡曠望空郊平
日入負擔歸謳歌道中行鳥雀亦群喜下啄飛且鳴
今年幸稍豐私廩各已盈如何有貧婦拾穗猶惻惻
晚步遊褚家竹亭

落日猶半野閒來潭上遊非因戀幽賞聊欲散煩憂
澄波魚噉文荒竹鳥吟秋不是愚溪上胡爲吾久留
呂脩元史將赴

京師別內

承

詔趣嚴駕晨當赴
京師佳徵豈不榮
獨念與子辭
子自歸我家貧賤久共之
閨門霽情懽寵德不以姿
天寒室仍罄何忍遠去茲

王明待細文不暇顧我私
忿忿愧子勤爲我烹伏雌
携幼送我泣問我旋軫
時行路亦已遙浮雲蔽川坻
宴安聖所戒胡爲守蓬茨
我志願裨

國有遂幸在斯加餐待後晤
勿作悄悄思

早發土稿

空山遠無驛逢旅聊可宿懷征候鳴鷄燃帶續我燭
僕夫昨行苦爛熳睡正熟呼之愧忽忽推車出茅屋
高岩尚懸斗深谷未升旭欲亟去返遲怪石暗屢觸
思當在家樂日晏始舒足胡爲此行邁霜露勞局促
王事靡敢辭非關徇微祿

車過八岡

上岡如登天下岡如決川勞哉挽車夫呀喘當我前
兩轆轤欲摧土石厲且堅我行閱其憊時下息彼肩
雖非古羊腸實惧覆輿顛如何道路子卓來競連連
白日已傾仄我行尚迴遑安得駕逸足平野起飛煙

寓天界寺雨中登西閣

片雲出鍾山陰滿江東曉幽人閣上寒風雨啼鴛少
紅塵禁陌淨綠樹層城繞不爲怨春徂離懷自憂悄

送陳四秀才還吳

君是故鄉人同作它鄉住同來不同返惆悵臨分處
手把長干花回望長洲樹恐起憶家心愁題送君句

送聯書記東歸

旅寓古寺間得與名僧屋時因簡牘暇共諦楞伽書
倚閣山暄後步廊月生初屢聞貞詮妙一使羈縻舒
茲晨別同袍言旋舊精廬飛雲自無滯愧我焉能如

東浦秋正遙西齋夜應虛傷離固知安相送聊踟躕

送禮部傅侍郎赴浙西按察

聖主想賢哲夫君歛來東姓名簡

膚聽召對明廷中彷彿似其先夢寐相感通秉綸坐
西掖曳履遊南宮復輟要近居往試澄清功糾郡握
使節炎天凜霜風顧余謬珥筆言咲獲屢同無端此
分袂離抱何忡忡

對園柳

依依客園柳來時未堪折今看夏條長上有新蟬烟
芳序惜推遷佳人念離別秋風莫遽起旅思方騷屑

僕至得二女消息

我僕持尺書來自我故鄉讀書意未了呼僕問彼詳
云我兩小女別來稍已長大女手搯搯窓前學縫裳
小女啼啞啞走索瓜果嘗喜爺有使歸迎門各踉蹌
我坐聽此言欲慰意反傷稍近尚爾思更遠何能忘

菊隣

菊本君子花幽姿可相親清秋發孤艷似避東風塵
采采霜露餘繁英正鮮新車馬不過賞相看但幽人
幽人苦愛菊自是柴桑倫閑園誰與語叢栽四爲隣
入徑朝摘遠循籬暮觀頻一壺每對酌折花挿盈巾

殊勝處俗里歌呼醉遭嗔

出城東見古松流水坐憇久之

空潭寒無藻瑩爭涵青天長松百餘株扶疎繞潭邊
我行值幽境坐賞忘歸旋清風似相娛西來忽潑然
水動松亦鳴紛披復淪漣群鷗盡驚矯疑是龍吟淵
微瀾蕩餘暉流響散遠煙靜聽意已消何須撫徽絃
安得卜此居一謝塵中緣朝來潭上坐暮向松間眠
夜坐天界西軒

明月出東閣照我坐前軒諸生夜已定寂寞與誰言
煙幔螢微度風條蟬罷喧清景雖堪悅終嗟悲故園

京師嘗吳粳

新杭粳如玉遠漕來中吳初嘗愛精鑿想出官田租
我本東臯民少年習耕鉏霜天萬穗熟恣啄從飢鳥
日暮刈穫歸妻孥共歡呼茅屋夜春急風雨江村孤
晨炊滿家香薦以出網鱸如今幸蒙

恩遨遊在 南都門前半區田別來想已蕪長年盜
寸廩補報一事無投匕忽歎息飽食慙農夫

爲因師題松梢飛瀑面

松風散飛瀑夜作濤聲急棲鷗起空山如驚鬼神入
定僧寂無聽任洒袈裟濕

送周四孝廉後酒醒夜聞鴈聲

別時酒忽醒客去唯空舍風雪鴈聲來寒生石城夜
遙憶渡江船正泊楓林下

畬內寄

落月入曉閨相思不須啼我非秋胡子君豈蘇秦妻
風從故鄉來吹詩達京縣讀之見君心寧徒見君面
拔草不易絕割水終難開行雲會有時飛下巫陽臺
莫信長安道花枝滿樓好白馬繫春風離愁坐將老

貞氏女

余在史館日淡次有言姚文公承旨翰林

時嘗飲玉堂有侍妓閩語者詢之乃真文
忠公裔孫也父爲筦庫負縣官錢鬻之以
償遂流于娼家公愍之白于執政落其籍
以嫁院吏黃逮逮後至顯官同館之士聞
之多賦詩者余亦爲作一首

妾恨非緹縈上書動天子自鬻償縣官幸得脫父死
誰知故相家失身屋狹斜遂令園中栢翻作道傍花
當筵唱金縷朔客驚閩語相問忽相怜開籠放鸚鵡
棄置舞衣裳新理嫁時裝良人身作吏不是販茶商
花釵映羅扇初與郎相見貴賤古難常妾心那敢怨

顧卽去作官莫掌官錢穀生子但生男家門免多辱
送李架閣赴山西行省

日暮踰大河北望古晉疆萬里饒風沙地接戎與羌
翩翩并州兒躍馬能挽強古來事爭奪百戰在此場
聖皇剋群雄撫劍定八荒睠茲形勝都建侯樹藩方
披榛開幙府賓從皆才良所期偃甲兵民物自此康
山河罷阻險沃野多耕桑君行顧努力遠別庸何傷
送王拾判官之上黨

群林萃京師有若奔海川盍簪向華館唯君最韶季
忽行佐名邦輟理金匱編朝辭

紫閣下暮宿黃河壩馬上看太行日落萬里煙
我我天井關高城鬱相連遺氓得少安時清罷
戈鉞亟行勿憚遠

聖意煩承宣

登句容僧伽塔望茅山

高登大士塔遙望仙人峰茲峰夫何如玉削
三芙蓉雲深句曲樹日落華陽鍾長君昔飛昇
駕挾雙白龍至今學道處洞府留靈蹤丹泉夜
吐光瑤草春含茸仙應笑我愚塵世苟自容胡
不鍊爾形歸來蔭長松望仙指尺間不隔雲海
重貞訣儻肯授執鞭願相從

贈楊榮陽

嘉陵美山水亦復富文彥楊君產其邦材拔性高狷
布衣走名都早入藝林選客屈稷下談王邀鄴中宴
出門得名聲不假親舊援匣劍未久埋囊錐已先見
吐詞實現竒讀者心欲顫刀鳴聞夫勇花妥笑女倩
如觀廣場中百戰張曼衍平生眼無人遇我獨相善
陌頭每並出兩騎無後先喜從兔園遊慙受狗盜薦
君歌我固服我賦君亦羨墮筵吟帽烏踏席舞裙茜
醉中共笑語往往雜諧諺有時出城西山水恣攀踐
岩眠曙猿驚澗飲夏鶯轉吳宮妓去榭蕭寺僧開殿